

– Ի՞նչ, Ապու Ջափր մեռե՞լ է:

– Այո, որդին հայրը սպաննել եւ տեղը թագաւորել է:

– Իմ սիրուն աղջիկս, այս ի՞նչ լաւ լուր ունիս, ո՞ր իմացար:

– Ես խոյէ կ'ուզամ. հոն այս լուրը տարածուեցաւ. քաղաքը վերջին յուզման մէջ էր. Օմարի կինը երէկ առտու ճամփայ հանեցի, երեկոյիս էլ ես ճամփայ ելայ:

– Դու յոգնած պետք է լինիս, ուրեմն քիչ մը յանգիր, ես երթամ նայիմ թէ ամէն բան կարգի՞ն է... Միայն իշխանուհի, այն զրուցէ թէ բանտապանին կինն իմացաւ՝ ամիրապետին մահը:

– Ինչպե՞ս կարելի էր չիմանալ. տաճկաց շփոթութիւնը մեծ էր. ամէնքը գէնքի կը դիմէին հայոց վախէն: Ամիրան քարոզ կ'ուտար կարդալ փողոցները, որ ուելիցէ՛ անկարգութիւն խստիւ պատժել պիտի տար: Ճշմարիտն ըսելով ես այս մեծ Չդիպուածին անտարբեր էի. վասնզի իմ նպատակս ինձ համար ամենամեծ էր:

Խոսքով ելաւ դուրս, իւր հաւատարիմներէն պարկեշտ մարդ մը պահապան գրաւ, որ ոչ ոք անհանգիստ չընէ պատանի իշխանը, եւ ինք խորհրդածելով կ'երթար մեծ օգուտ նշմարելով Ապու Ջափրի մահուամբ Յայաստանի՝ ինչպէս նաեւ Գուրգէնի ազատութեան համար: Մանաւանդ երբ կը մտածեր թէ որդին զհայրն սպաննելով թագաւորել էր, երբ ընտանեկան կապերը այնչափ խզեալ էին, երբ սերը որդուոց եւ ծնողաց մէջէն անհետացած ապականութիւնը ուրեմն վարը եւ վերը հաւասար էր եւ անկումը մերձ, եւ Յայաստան պետք էր ազատել, բայց Յայաստան ազատելու համար պետք էր ունենալ իմաստ ոմն գլուխ մը, կրօնքի բարոյականին ուսուցիչ եկեղեցական անշահասեր եւ առաքիլի մարմին մը, վասնզի ժողովուրդը դիւրաւ կրնար առնուլ բանի եւ գործս ուղղութեան դրոշմը եթէ գտնուեր լաւ եւ արժանաւոր ձեռք եւ օրինակ: